

Gvangjsih Minzcuz Bau

ganbhau: CN45-0036 B.2015 Nd.5 Ng.20 liggaueq ietfeih nienz ndwenseiq cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3174期

Vujsenh Yen Hengz Sam Aen Cosih Sawj Ndwen Senhconz Minzcuz Doxgiet Cinbu Hozdung Youh Lai Youh Hoengh

武宣县“三大措施”让民族团结进步宣传月活动“有声有色”

Bonjbauq siusik(gicej Dangz Lungz/唐龙) 4 nyied 1 hauh daengz 30 hauh, Vujsenh Yen doenggvaq sam aen cosih, youq daengx yienh guh ndwen senhconz minzcuz doxgiet cinbu hozdung, haeujlaeg senhconz minzcuz cwngecwz dangi nem guekgya、faplwd fazgveih, haenqrengz senhconz ginghci sevei fazcanj gvendaengz saujsu minzcuz nem dieg saujsu minzcuz comz-youq ndaw yienh, caenh'itbough gyamaenh gij gvenhaeh caeuq vunz saujsu minzcuz doxlien.

It dwg comz youq rog ranz guh senhconz. Youq guh hozdung geizgan, aen yienh neix gak yangh (cin)、bumwnz youq gunghyenz、gvangjczangz、gnwnzhaw、hagdangz

daengj dieg gunghung, doenggvaq hai hoihyienhciegz、baijok dozveh、dangciegz fat caizliu、venj fukvang daengj hingzsih senhconz minzcuz doxgiet. Ngeih dwg lai fuengmienh doenggvaq meizdij senhconz. Youq guh hozdung geizgan, aen yienh neix doenggvaq engq lai yienh meizdij nem fuengsik, dazyinx vunz lai ndawbiengz gvensim, gya hawj vunz lai camgya. Sam dwg cungfaen leihyungh cietgingq “sam nyied sam Bouxcuengh” comzrengz senhconz. 4 nyied 15 daengz 25 hauh, Vujsenh Yen youq ndaw yienh guh hozdung angq gvaq “sam nyied sam Bouxcuengh”. Youq guh hozdung geizgan, aen yienh neix gawjbanh vwnzyi yienjok、minzsuz

ndawbiengz nem saujsu minzcuz conzdungj diyzuz daengj cawjdaez hozdung, hungzyangz vwnzva minzcuz, biensij nem fatbough buek donjsin ndeu hawj vunz lai, cauxguh、venjhwnj buek fukvang ndeu, book buek senhconz byauhyij ndeu, cauxguh、baijok buek banjbau cienmonz ndeu, yaenqfat buek sawsoujcwz senhconz minzcuz cwngecwz cihsiz ndeu, ciuhai baez codanzvei ndeu, cujcz baez veivwn hozdung ndeu, senhconz gij cingzcih ginghci sevei fazcanj gvendaengz saujsu minzcuz nem dieg saujsu minzcuz comzyouq, guh hozdung camdap minzcuz cwngecwz faplwd fazgveih, book minzcuz cwngecwz cihsiz.

SIUSIK DINJ

简 讯

● Daj 5 nyied 18 hauh hainduj, Gvangjsih Minzcuz Bozvuzgvanz gawjbanh “gak cuz yinzminz sim yieq coh dangj——baijok gij huqlaex daengx guek saujsu minzcuz youq duenh ngamq laebguek soengq hawj Cunghyangh Cwngefuj”. Baez neix baijok 60 lai fuk doz nem 130 lai gienh doenghyienh dijbauj.

(Vuj Yoz)

● Gaenh bi daej, Yungzsuij Myauzcuz Swciyen aeu dangjyenz guh boux sifan dajciegx, baenz gveihmoz dwk dajciegx duzdouq、duzyiengz、cwzvaiz daengj, coi nungzminz aeundaex laisou. Youz boux dangjyenz Liengz Cinfungh guhdaez, dazyinx Yungzsuij Cin Dughliengz Cunh Siengzdai Swnghdai Yangjeiczangz moix bi ndaej gai duzdouqnoh gyawj 2 fanh duz, gai ndaej 100 fanh maenh doxhwnj, cinghsouhaej 30 lai fanh maenz.

(Liu Swjyenh)

● 5 nyied 11 hauh, Yungfuz Yen Minzcuzgiz cingj ndaw yienh yinzda、caizcwnz、fazgaij、minzcwnz、nungzyez、gyauyuz、suijli daengj 12 aen danhvei nem bumwnz gungh 26 boux mizmingz camgya minzcuz gunghcoz codanzvei, daihgya gangj le baenzlawz gaijndei gij gihcu j sezi dieg saujsu minzcuz comzyouq, baenzlawz fazcanj ginghci, lwnhyaeng baenzlawz guh ndei hong minzcuz.

(Dangz Gingfuj)

● Laebdaeb geij ngoenz daej, Lungzswng Gak Cuz Swciyen cujcz doenghboux lauxhangz nungzyez gisuz haeuj mbanj roengz doengh, mienxfieq daezhawj gisuz, son vunz dangdieg dajndaem lwgdumhgyaemq、haeuxnaz、makgam, bauj nungzyez swngchanj ndaej swnhleih, neix ndaej vunz lai angqcoux.

(Veiz Gizyangz Vuz Haijvaz)

● 5 nyied 11 hauh, Duh'an h Yauzcuz Swciyen Minzyijgiz 6 boux bae daengz giz lienzhaeh fuzbinz——Dunghmiu Yang Sanhliz Cunh giz sifan dajndaem makhwzdauz Mbanj-runghdoeng, fat vafeiz caemhcai q son'gyauq doenghboux dajndaem makhwzdauz de; ndaw minzyijgiz daengxcungq ganbu cizgungh gag comz ngaenz cawx 2 dun vafeiz fat hawj 12 ranz ndaem makhwzdauz.

(Veiz Cinhlingz)

Sanhgyangh: Gauhcunghswng Nemyawj Ngonzyawj Doenghyienh Vwnzvuz Duncuz

三江：高中生“近赏”侗族文物



5 nyied 15 hauh, dwg “ngoenz bozvuzgvanz gozci”. Ngoenzde, Sanhgyangh Duncuz Swciyen gawjbanh aen hozdung heuhguh 2015 nienz “Cingz mbanj Duncuz——dox-dax cai cihsiz vwnzvuz”, ndaw yienh 100 lai boux gauhcunghswng haeuj ndaw bozvuzgvanz nem laeuzgyong, nemyawj ngonzyawj doenghyienh vwnzvuz Duncuz、doxdax cai cihsiz vwnzvuz daengj, doenggvaq gij hozdung neix sawj hagseng ndaw yienh Duncuz rox vwnzvuz、gyaez vwnzvuz、henhoh vwnzvuz. Ndw doz dwg geij boux gauhcunghswng cingq nemyawj ngonzyawj aenvunq giuz nem laeuz Duncuz.

(Gungh Bujangh/龚普康 ingi)

Ginhsiu: Mehmbwk Yauzcuz Nyibguh Nem Dajsiuq Nandangdaenj Ndae Laisou

金秀：织绣瑶族服饰助妇女创收

Ginhsiu Yauzcuz Swciyen miz Cazanhyauz、Auyauz、Banzauz daengj 5 nga Yauzcuz caemh youq, gak nga vahgangj、fungsug nem ndangdaenj mbouj doxlumj. Gyoengq minzcuz neix ndangdaenj saek ndei yawj, doz lai gyaeunde, haujlai hekyouz gig maij gij ndangdaenj

neix. 2014 nienz, “ndangdaenj Yauzcuz Ginhsiu” ndaej bingzguh swcigih gaep feihvuciz vwnzva yizcanj. Dangqnaj, gij ndangdaenj gak nga Yauzcuz de moix dauq 3000 maenz daengz 8000 maenz, youq ndawbiengz gai ndaej yied daej yied lai. Gyoengq mehmbwk

Yauzcuz ndaw yienh neix leihyungh seizhoengq nyibguh nem dajsiuq ndangdaenj minzcuz, caemhcai q gai bae, neix hawj gyoengqde ndaej laisou haemq lai, hawj haujlai mehmbwk Yauzcuz youq ranz couh ndaej laisou.

(Gauh Yuzginh/高如金)